

1729

Ծ Ր Ա Գ Ի Ր
Ն Կ Ա Ր Զ Ո Ւ Թ Յ Ա Ն

ՄԻՋՆԱԿԱՐԳԻ ԴՊՐՈՑԻ V—VI ԴԱՍԱՐԱՆՆԵՐԻ ՀԱՄԱՐ

74
8-98

Պ Ե Տ Ա Կ Ա Ն Հ Ր Ա Տ Ա Ր Ա Կ Զ Ո Ւ Թ Յ Ո Ւ Ն

Յ Ե Ր Ե Վ Ա Ն — 1936



Պատ. խմբագիր՝ Մ. ՅՈՒՐԻՆՅԱՆ
Տեխ. խմբագիր՝ Գ. ԶԵՆՅԱՆ
Սրբագրիչներ՝ Հ. Դսլուխանյան, Հ. Մանուկյան

Հրատարակ. 3795 զլավ. լրացրել. 1148, պատվ. 914, տիրաժ. 2500
Հանձնված և արտադրության հուլիսի 16-ին 1936 թ.
Ստորագրված և տպագրության սպասարկ. 13-ին 1936 թ.

Պետհրատի տպարան, Յերևան, Ս Գեղանի, 4.

Բ Ա Յ Ա Տ Ր Ա Կ Ա Ն

Նկարչությունը դատավանդումը միջնակարգ դպրոցում նպատակ ունի սովորեցնել բնականից ու հիշողությամբ (պատկերացումով) գրադեպ կերպով դանադան առարկաներ նկարել։ Դրա համար անհրաժեշտ է սխտեմատիկորեն զարգացնել աշակերտների տեսողական հիշողությունը, տեսնելու և դիտելու հմտությունները՝ վերաբերյալ անհրաժեշտ նախադրյալներ վոչ միայն գեղարվեստի, այլև դիտության ու տեխնիկայի ամեն մի բնագավառում աշխատելու համար։

Դրա հետ միասին միջնակարգ դպրոցում նկարչությունը պետք է հնարավորություն ընձեռի աշակերտներին իրենց ստացած ունակություններն ու հմտությունները կիրառելու նաև նկարչական ստեղծագործական աշխատանքների, թեմատիկ ներկայությունների և գեղարվեստի ձևավորման առաջադրությունների բնագավառում։

Հիշյալ նպատակով կերպարվեստի դատավանդումը միջնակարգ դպրոցում պարունակում է հետևյալ յերեք բաժինները.

1. Կերպարվեստի զարգացման հիմունքները.

ա) Ձևի ուսումնասիրություն (առանձին առարկաների և մի խումբ առարկաների նկարումներ), բ) գույնի ուսումնասիրություն։

2. Կոմպոզիցիոն նկարչություն։

ա) Թեմատիկ նկարչություն։

բ) Դեկորատիվ ձևավորման առաջադրություններ։

3. Ֆոտո մոնտաժ։

Ի. ԿԵՐՊԱՐՎԵՍՏԻ ԳՐԱԳԻՏՈՒԹՅՈՒՆ

1. ՁԵՎԻ ՈՒՍՈՒՄՆԱՍԻՐՈՒԹՅՈՒՆ

Ներածական դրույց՝ զննական իրերի ցուցադրումով, աշակերտներին ծավալային առարկաներ նկարելու միջոցները պարզելու համար (պատկերման հարթության հատկություններ)։

Գիտելիքներ և ունակություններ

1. Հասկացողություն՝ պատկերման հարթության մասին:
2. Կարողանալ յերկրաչափական մարմիններ՝ զուգահեռանիստ, գլան, կոն նկարել՝ զանազան դիրքերով և զանազան դարձումներով, ճիշտ տալով կողերի ուղղությունը, հիմքի և նիստերի կրճատումը:
3. Կարողանալ յերկրաչափական մարմիններ նկարելու ընթացքում ձեռք բերած գիտելիքներն ուղտադործել կենցաղային և արտադրության վերաբերյալ առարկաներ նկարելու համար:
4. Կարողանալ բնականից և պատկերացմամբ զանազան առարկաներ նկարելիս տալ առարկայի և նրա մասերի համաչափությունը, առարկայի կառուցվածքը (կազմությունը) և մեծությունը հարաբերակցությունն առարկաների միջև:

Մ ե թ ո դ ա կ ա ն ծ ա ն ո թ ու թ յ ու ն ն Ե Ր

Կերպարվեստի գրադիտության նպատակն է աշակերտներին սովորեցնել նկարել առանձին առարկաներ և առարկաների խումբ, վոր նկարով կարելի լինի հնարավոր չափով ճիշտ դատել ձևի, համաչափության և այդ առարկաների դիրքի մասին:

Ուսուցչի գլխավոր նպատակը պետք է լինի աշակերտներին սովորեցնել ճիշտ (հաշվի առնելով պատկերման հարթության հատկությունները) նկարել առարկաները՝ տալով նրանց ծավալը (յեռաչափությունը):

Նկարների վերաբերությունը ցուցադրումն ուսանողներին կողմի, վոր ըմբռնեն թղթի հարթ մակերեսի վրա խորությունը տալով հնարավորությունը: Պատկերման հարթության նույն հատկությունները ցույց տվող մի ուրիշ որինակ ուղիղ վեցանկյունին բաժանված յերեք անկյունազծերով, վորը հասկացվում է յերբեմն վորպես հարթ վեցանկյունի, յերբեմն ել վորպես թափանցիկ խորանարդ:

Գլանաձև և ուղղանկյան ձև ունեցող առարկաներ դիտելիս և նկարելիս անհրաժեշտ է աշակերտներին ուղադրությունը դարձնել շրջանի (գլանի և կոնի հիմքերը) և նիստերի կրճատման ու կողերի ուղղությունը վրա, վորը կախված է տարածության մեջ առարկայի դիրքի փոփոխությունից:

Նկարի ճիշտ կառուցումը հետապնդելու նպատակով դասա-

տուն ցույց է տալիս, վոր բնականում յեղած ուղղահայաց ուղղությունը նկարում պետք է պատկերվի նույնպես ուղղահայաց:

Զուգահեռանիստի ու գլանի ձևի առարկաներ նկարելուց հետո անհրաժեշտ է նույն առարկաները նկարել այլ առարկաների հետ միասին, մի խումբ առարկաների հետ: Ըստ վորում անհրաժեշտ է աշակերտներին առաջարկել համադրել և համեմատել այդ առարկաների ձևերը, նրանց մեծությունը փոխհարաբերությունը և դասավորությունը տարածության մեջ:

Նույն առաջադրությունները պետք է կատարել նաև կոնաձև առարկաներ նկարելուց հետո: Այդ նպատակով աշակերտներին առաջադրվում է նկարել մի խումբ զանազան ձևի առարկաներ: Յուրաքանչյուր որյեկտի նկատմամբ աշխատանքը տալով է հետևյալ սխեմայով:

1. Տեսողական և ըստ հնարավորության (յեթե խոսքը փոքր առարկաների մասին է) շոշափողական ծանոթություն առարկայի հետ:

2. Գիտել ձևի տեսանելի փոփոխումը՝ առարկայի դիրքից կախված:

3. Բնականից նկարելը:

4. Առարկան տարբեր դիրքով նկարելը՝ պատկերացմամբ: Յուրաքանչյուր պարապմունքից հետո անհրաժեշտ է աշակերտներին առաջադրություններ տալ ինքնուրույն մշակման համար (տանը):

Առաջադրությունը կազմվում է դասարանական աշխատանքի որինակով, սակայն տրվում են այլ որյեկտներ (որինակ, դասարանում մի զույգ անիվ և առանցք նկարելուց հետո առաջադրվում է տանը նկարել յերկաթուղային ցիստերն, վազոն կամ, տրակտոր և այլն):

2. ՄԱՐԴՈՒ ՈՒՐՎԱԳԵՐ

Գիտելիքներ և ունակություններ

Կարողանալ տալ բնականից և պատկերացմամբ մարդու պատկերի ուրվագծերը, պահպանելով մարդու ձևապատկերի (ֆիգուր) հիմնական համաչափությունները:

Մ Ե Թ Ո Ղ Ա Կ Ա Ն Ի Ծ Ա Ն Ո Ք Ո Ւ Ք Յ Ո Ւ Ն Ն Ե Ր

Բնականից ուրվագծելու համար հերթով համապատասխան կեցվածք են ընդունում լրենք՝ աշակերտները: Մի դասում կարելի չէ 3—4 ուրվագծի տալ: Ուրվագծի համար մի դասի ընթացքում վերցվում է միևնույն կեցվածքը, բայց զանազան դարձումներով:

Պատկերացմամբ նկարելիս՝ մարդը պատկերում են նույն կեցվածքով, ինչ կեցվածքով հաջող դասերին պետք է նկարեն բնականից:

Ինչ վերաբերում է պատկերացմամբ նկարելու քանակին, ապա կարելի չէ միևնույն շարժումը մի քանի անգամ նկարել (ուսումնասիրելու նպատակով), կամ մարդ նկարել զանազան շարժումներով:

Տանը մարդ նկարելու համար առաջադրվում է մարդ նկարել վոչ առանձին, այլ վորեւ մի թեմատիկ կոմպոզիցիայով: Նրանք կարող են պատարվում են վոչ կարծր կապարե մատիտով:

II. ԳՈՒՅՆԻ ՈՒՍՈՒՄՆԱՍԻՐՈՒԹՅՈՒՆ

Գիտելիքներ և ունակություններ

1. Կարողանալ բնականից նկարելու ժամանակ ուղղանկյան ձև ունեցող առարկաների նիստերը, կլոր առարկաների լուսավորված ու վոչ լուսավորված տեղերը գույնով առանձնացնել:
2. Կարողանալ բնականից նկարելու ժամանակ տալ հակադիր գույներ չափաբերակցություներն առարկաների խմբում:
3. Կարողանալ բնականից նկարելիս գործադրել խառնելու միջոցով ստացված ածանցյալ գույները:
4. Կարողանալ տարրերել տաք և սառը գույները:
5. Գիտենալ գույները և ջրաներկերի անունները:
6. Հասկացողություն ունենալ գույներն իրար վրա դնելու միջոցով ածանցյալ գույներ ստանալու մասին:

Մ Ե Թ Ո Ղ Ա Կ Ա Ն Ի Ծ Ա Ն Ո Ք Ո Ւ Ք Յ Ո Ւ Ն Ն Ե Ր

Գույնն ուսումնասիրելու վարժություններին հատկացվում է 15—20 րոպե՝ մինչև բնականից ներկերով նկարելը: Վարժու-

թյունները պետք է համապատասխանեն աշակերտներին առաջադրած խնդիրներին՝ բնականից նկարելու վերաբերյալ:

Առարկաները, խմբում նկարելու համար, պետք է լինեն պարզ և ամբողջական ձևով ու գույնով, առանց նախշերի ու զարդարանքների և իրենց նշանակությամբ պետք է նման լինեն:

Լուսապատկերն ուսումնասիրելու համար անհրաժեշտ է ունենալ նրա աղյուսակը՝ մեծ չափերով, ամբողջ դասարանին ցուցադրելու համար (նման աղյուսակ կարող է պատրաստել ինքը դասատուն):

Գույնն ուսումնասիրելու ունակություններն ամրապնդելու համար կարելի չէ լրացուցիչ պարապմունքներ անցկացնել, և աշակերտներն այդ մասամբ կարող են տանը կատարել, որինակ՝ շերտի վրա նախշեր հորինելը (հաշիւ) յերկրաչափական ձևերից, վորոնք իրար վրա յեն դրված և ներկված հիմնական ու ածանցյալ գույներով, կամ կարող են տեքստ ունեցող գունավոր հարթություններով պլակատ նկարել:

III. ԿՈՄՊՈԶԻՑԻՈՆ ՆԿԱՐՉՈՒԹՅՈՒՆ

Գիտելիքներ և ունակություններ

1. Կարողանալ կոմպոզիցիոն-թեմատիկ նկարում կիրառել այն գիտելիքներն ու ունակությունները, վոր ձեռք են բերված կերպարավեստի գրադիտության դեմ առարկաների գույներն ու ձևերն ուսումնասիրելիս:
2. Կարողանալ դիտել և հիշողությամբ ձևավորել իր դիտողությունները նկարում:
3. Կարողանալ գրական յերկերում գրսևորել ամենացայտուն բնորոշ մոմենտները և ձևավորել նկարում:
4. Կարողանալ պատկերելու համար ընտրել ամենից շատ բնորոշ և նշանակություն ունեցող առարկաները, դեն դցելով վոչ բնորոշն ու ավելորդը:

Մ Ե Թ Ո Ղ Ա Կ Ա Ն Ի Ծ Ա Ն Ո Ք Ո Ւ Ք Յ Ո Ւ Ն Ն Ե Ր

Իլյուստրատիվ նկարչության ժամանակ, յենթադրվում է, վոր նախորդ պետք է ծանոթացնել այն գրական յերկին, վորի նկատմամբ իլյուստրացիաներ են պատրաստում:

Ծանոթ պատկերները, գործող անձանց բնավորութիւնները և գործողութեան վայրը յերեսաների հիշողութեան մեջ թարմացնելու համար անհրաժեշտ է, պօր դաստոտուն աշակերտների հետ անցկացնել համապատասխան զրույց, նույնիսկ կարգա իլյուստրացիաների համար ընտրված գեղարվեստական յերկրի համապատասխան կտորները:

Այս աշխատանքների ժամանակ պետք է մեծ ուշադրութիւն դարձնել, վոր աշակերտները խորհեն, թե ինչպես պետք է դասավորել նկարած ոբյեկտները թղթի վրա:

Դասատուն պետք է մատնանշի պատկերելու համար գլխավորը. ամենից շատ բնորոշն ընտրել կարողանալու անհրաժեշտութիւնը, առանձնացնել տա այդ գլխավորը նկարում, վոր միայն նրան նկարում հատուկ տեղ հատկացնելու համար, այլև գույն տալու համար:

Գույնների վրա աշխատելիս՝ ցանկալի յե աշակերտների ուշադրութիւնը դարձնել լանդշաֆտի բնորոշ առանձնահատկութիւնների և գործողութեան ժամանակի վրա (որինակ՝ Լոռին և Թումանյանի «Գիւրոր» — լեռներ, բույսեր. ժամանակը — յերեկո, ցերեկ և այլն):

IV. ՖՈՏՈ-ՄՈՆՏԱԺ (4 ԺԱՄ), ԵՐԴ ԴԱՍԱՐԱՆ

Փոտո-մոնտաժը Ե-րդ դասարանի աշակերտութեան համար պլակատներ և պատի լրագրեր ձևավորելու շատ հարմար և մատչելի միջոց է, յերբ հարկավոր են՝ առաջնորդների նկարներ, վորոշ տեղերի բարդ տեսարաններ, մեքենաների տեխնիկական նկարներ և այլն: Մի խոսքով նկարներ, վորոնք մատչելի են Ե-րդ դասարանի շարքային աշակերտների հմտութեանը:

Այս միջոցը, պլակատներ և պատի լրագրեր ձևավորելու գործում, հեշտացնում է վորջ դասարանի մասնակցութիւնը:

Իհարկե ձևավորման այս միջոցը չպետք է ի չարը գործ դնել և պետք է շարունակել, վորքան կարելի յե, հաճախակի ոգտվել աշակերտների նկարներից:

Աշակերտների համար պիտի պարզ լինի, վոր Փոտո-մոնտաժին դիմում են վորչ նրա համար, վորպեսզի նկարելուց ազատեն նրանց, այլ վորպեսզի դժվար ընթացիւն ողնեն և լրացնեն նրանց աշխատանքն այնտեղ, ուր նրանց հմտութիւնն անբավարար է:

Աշակերտների աշխատանքի մեջ, այնուամենայնիւ, ամենաարժեքավորը նրանց սեփական աշխատանքն է:

Գիտելիքներ և ունակութիւններ

Աշակերտը պետք է սովորի՝ լավ կտրտել և կադմել նկարներ:

Պետք է կարողանա կանոնավոր կերպով կպցնել և կպցրածը աննկատելի դարձնել:

Պետք է նկարները համակցել բնագրի հետ այնպես, վորպեսզի մեկը մյուսին չնսեմացնի:

Մ Ե Ք Ո Ղ Ա Կ Ա Ն Ծ Ա Ն Ք Ո Ւ Ք Յ Ո Ւ Ն Ն Ե Ր

Նախքան Փոտո-մոնտաժի աշխատանքին անցնելը, աշակերտների հետ պետք է մանրամասն զրույց ունենալ, թե ինչպես պետք է սկսել և տանել աշխատանքը (պլանավորել ամբողջ պլակատը — վորտեղ և ինչ պետք է վերարտադրվի — ուրվագիծ կադմել. վորքան մանրամասն և ճշտորեն մտածված լինի, այնքան հեշտ կլինի մոնտաժելը):

Յույց տալ Փոտո-մոնտաժի նպատակահարմարութիւնը. (արագացնում է աշխատանքը, հարկավոր ընթացիւն հնարավորութիւն է տալիս հարկավոր և հարմար նկարներ ունենալ):

Վորպեսզի պարզ լինի, թե վոր դեպքերում է ցանկալի Փոտո-մոնտաժի դիմել, անհրաժեշտ է դասարանում համապատասխան որինակների վրա անցկացնել բացատրական զրույցը:

Վորակցալ համակցութեան դեպքում կարելի յե շատ գեղեցիկ պլակատ ստանալ:

Նախնական բացատրութիւնից հետո դասարանում, աշակերտների հետ միասին պետք է մոնտաժել՝ պլակատ, սխեմա, դիագրամա:

Թեմաները պետք է նախորդ բաժանել և հնարավորութիւն տալ նրանց տանը լավ մտածելու, նախապատրաստել ուրվագիծ, ընտրել հարկավոր նկարներ (շատ նյութ կարելի յե ձեռք բերել հին լրագրերից և ժուրնալներից):

Այս դասի համար պետք է պատրաստի ունենալ անհրաժեշտ նյութեր՝ սպիտակ ու գունավոր թուղթ, ներկեր, սոսինձ, մրկրատ, քանոն և այլն, վորպեսզի նյութի պատճառով աշխատանքը կանգ չառնի:

Լավ կլինի, յերբ դասատուն ինքն իր ձեռքով մոնտաժած պլակատը ցույց տա աշակերտներին: Աշակերտներն, առհասարակ, չափ են սիրում տեսնել իրենց ուսուցչի աշխատանքը: Ուսուցչի աշխատանքի ցուցադրումն ավելի համոզիչ է տպածից և չափ է բարձրանում ուսուցչի հեղինակությունը:

Յեթե պայմանները թույլ են տալիս, լավ է, վոր դասարանում կոլեկտիվ կերպով մոնտաժեն մի քանի մեծ պլակատներ:

ՀԻՆԳԵՐՈՐԴ ԴԱՍԱՐԱՆ

I. ԿԵՐՊԱՐՎԵՍՏԻ ԳՐԱԳԻՏՈՒԹՅՈՒՆ

1. Ձեվի ՈՒՍՈՒՄՆԱՍԻՐՈՒԹՅՈՒՆ (9 ժամ)

1. Զուգահեռանիստ. (լուցկու տուփ): Նկար բնականից, դեմոնտաժային տուփի ձևերի տեսանելի փոփոխությունների՝ տուփի դիրքը փոխելիս: Կողմերի, կողերի և անկյունների փոփոխվելը: Հետագա նկարումները պատկերացմամբ՝ լուցկու տուփը տարբեր դիրքերով դրված (1 ժամ):

2. Խոշոր և մանր առարկաներ, վորոնք զուգահեռանիստի ձև ունեն. տարբեր մեծություն ու համաչափության տուփեր, արկղեր, ճամբրուկներ (չմոդաններ) մեծ գրքեր: Նկարումներ բնականից, դեմոնտաժային տուփի տեսանելի փոփոխությունների նկատմամբ՝ առարկան այս կամ այն կողմ դարձնելիս ու թեքելիս: Նկարչություն պատկերացմամբ՝ զանազան դիրքերով (2 ժամ):

3. Պատկերել զուգահեռանիստի $\frac{1}{2}$, $\frac{1}{4}$ և $\frac{1}{8}$ մասը: Նկարչություն պատկերացմամբ (2 ժամ):

4. Գլան. նկարել բնականից: Դեմոնտաժային տուփի ձևերի (չրջանի) տեսանելի փոփոխություն՝ գլանի դիրքը փոփոխելիս:

Նկարել պատկերացմամբ՝ զանազան դիրքերով (1 ժամ):

5. Գլանին մոտիկ ձև ունեցող խոշոր և մանր առարկաներ (զավաթ, դույլ, թանաքաման, քանդակ, փայտի կտոր): Նկարել առանձին առարկաներ բնականից և պատկերացմամբ զանազան դիրքերով (2 ժամ):

6. Բնականից նկարել մի խումբ առարկաներ (գլանաձև առարկա և ուղղանկյան ծավալային ձև ունեցող առարկա): Նկարել նույն առարկաների, այլ ձևով դասավորված խումբ (պատկերացմամբ, (1 ժամ):

2. ՄԱՐԴՈՒ ՈՒՐՎԱԳԵՐ (4 ժամ)

1. Ուրվագիծ բնականից: Մարդը նստած (նկար պատկերացմամբ), մարդը կանգնած (2 ժամ):

2. Ուրվագիծ բնականից: Մարդը կանգնած (նկար պատկերացմամբ) մարդը կռանում է (2 ժամ):

II. ԳՈՒՅՆԻ ՈՒՍՈՒՄՆԱՍԻՐՈՒԹՅՈՒՆ

1. ԲՆԱԿԱՆԻՑ ՆԵՐԿԵՐՈՎ ՄԻ ԽՈՒՄԲ ԱՌԱՐԿԱՆԵՐ

ՆԿԱՐԵԼԸ (3 ժամ)

Նկարելու որոշակունքի որոշակունք. 1. Բանջարեղեններ և պտուղներ (դդում, բադըն, գազար, տաքտեղ, խնձոր, տանձ, ձմերուկ, սեխ և այլն):

2. Մպորտի և մանկական կենցաղի առարկաներ (վալեյբոլի դնդակ, թմբուկ, տուփ և այլն):

3. Ուսումնական պարագաներ—սեղանի լամպ՝ կանաչ լուսամփոփով, գիրք, ներկերի տուփ և այլն:

2. ԼՐԱՅՈՒՑԻՉ ՎԱՐԺՈՒԹՅՈՒՆՆԵՐ (2 ժամ)

1. Ջրաներկերի տախտակ կազմելը (գույներ և անուններ):

2. Պալիտրայի վրա գույները խառնելու միջոցով ածանցյալ գույներ ստանալը և 10 սմ. X 3 սմ. չափի ուղղանկյուններն ածանցյալ գույներով ներկելը (մեխանիկական խառնուրդ):

III. ԿՈՄՊՈԶԻՑԻՈՆ ՆԿԱՐՁՈՒԹՅՈՒՆ (3 ժամ)

1. ԹԵՄԱՏԻԿ ՆԿԱՐ ՀԻՇՈՂՈՒԹՅԱՄԲ ՅԵՎ

ԴԻՏՈՂՈՒԹՅԱՄԲ

Պատկերել մարդիկ՝ կենցաղային վորոշ միջավայրում (սահմանափակ տարածություն): Վորպես որինակ կարելի չե վերցնել հետևյալ թեմաները. «մեր բակը», «գյուրոցամերձ հողամասը կանաչապատերը»:

2. ՆԿԱՐ ԳՐԱԿԱՆ ՅԵՐԿԵՐԻ ԹԵՄԱՆԵՐԻ ՇՈՒՐՁԸ

Վ. Միքայելյան—«Գարունը լեռներում» (հատված «Լավարի վորո»-ից), Հ. Թումանյանի—«Ձարի վերջը»:

I. ԿԵՐՊԱՐՎԵՍՏԻ ԳՐԱԳԻՏՈՒԹՅՈՒՆ

1. ՁԵՎԻ ՈՒՍՈՒՄՆԱՍԻՐՈՒԹՅՈՒՆ (5 ժամ)

1. Նկարել գլանաձև առարկաների մակերեսին փակցրած յերկրաչափական ձևեր (որինակ. բանկաներ, կամ տուփ պիտակով) (1 ժամ):

2. Մի գույշ անիվներ առանցքով: Մոդել բնականից և ապա պատկերացմամբ նկարել զանազան դիրքերով (1 ժամ):

3. Կոն: Նկարել բնականից: Նկարել զանազան դիրքերով պատկերացմամբ (1 ժամ):

4. Կոնաձև խոշոր և մանր առարկաներ նկարելը (ծաղկաման, բարձրախոս, կաթսա, թեյաման և այլն) (1 ժամ):

5. Խոշոր և մանր առարկաներ՝ համակցված ձևով (կոնի և գլանի, յերկու գլանի միացում և այլն. ձառար, բխոն, շիշ, սրճաման, կոճ և այլն): Զանազան դիրքերով բնականից և պատկերացմամբ նկարելը (1 ժամ):

2. ՄԱՐԴՈՒ ՈՒՐՎԱԳԾԵՐ (4 ժամ)

1. Ուրվագիծ բնականից: Մարդը կանում է, հատակից առարկա յե վերցնում և մարդը՝ վրա վերցնում սանդուխքի վրա դրած (2 ժամ):

2. Նկարել դիտողությամբ և պատկերացմամբ. մարդը գնում է, մարդը վազում է (2 ժամ):

II. ԳՈՒՅՆԻ ՈՒՍՈՒՄՆԱՍԻՐՈՒԹՅՈՒՆ

1. ԲՆԱԿԱՆԻՑ ՄԻ ԽՈՒՄԻ ԱՌԱՐԿԱՆԵՐ ՆԿԱՐԵԼ ՆԵՐԿԵՐՈՎ (3 ժամ)

Տնտեսական իրեր.

ա) Պուլիկ կամ դալաթ՝ գունավոր ֆոնի վրա:

բ) Կանաչ գույնի շիշ, ուղղանկյան ձևի բխոն և ձառար՝ գունավոր ֆոնի վրա (կարմիր):

գ) Բույսը ծաղկամանում, սպիտակ դալաթ (գունավոր ֆոնի վրա):

Ըստ գույների առարկաների խումբն այնպես է կառուցվում, վոր դյուրացվի գույների հակադիր հարաբերության ըմբռնումն աշակերտների կողմից:

2. ԼՐԱՑՈՒՑԻՉ ՎԱՐԺՈՒԹՅՈՒՆՆԵՐ (2 ժամ)

1. Ածանցյալ գույներ ստանալը՝ համապատասխան գույներով շրջաններ ներկելով. յերբեմն շրջաններն իրենց մասերով ծածկում են իրար (խառնուրդ գույներով՝ մեկը մյուսի վրա դնելու ոգնություն):

2. Դիտել արևի լուսապատկերը (սպեկտր) լուսակադիտակով և նկարել աղյուսակի վրա: Ծանոթություն տաք և սառ հակադիր գույներով:

III. ԿՈՄՊՈԶԻՑԻՈՆ ՆԿԱՐՁՈՒԹՅՈՒՆ (3 ժամ)

1. Թեմատիկ նկար հիշողությամբ և դիտողությամբ. «Պիոներական ճամբար» և խաղեր:

2. ՆԿԱՐ ԳՐԱԿԱՆ ՅԵՐԿԵՐԻ ԹԵՄԱՆԵՐԻ ՇՈՒՐՁԸ (3 ժամ)

Վորպես թեմայի որինակ. Չարենց — «Բալլադ գնդապետ Տոմսոնի, կոմյերիս աղի, գործադուլի մասին». Դեմրիճյան — «Գարհատներ». Զորյան — «Յերկաթուղի». Նորենց — «Սահմանապահ», Հյուգո — «Գավրոշը»:

IV. ՖՈՏՈՒՄՈՆՏԱԺ (4 ժամ)



